

<><><><><><>

Headlines

1. सरकारै आखेआ जे आरक्षण सरबन्धी नियमें दी जांच लेई ओहदे आस्सेआ खडेरी गेदी कैबिनेट उप-कमेटी लेई कोई टकोहदी समें सीमां मुकरर नेई कीती गेदी ऐ।
2. शिक्षा मंत्री सकीना इत्तू होरें आखेआ जे राष्ट्रीय शिक्षा नीति 2020 सब्बने कालेजें च लागू कीती गई ऐ ते विद्यार्थिएं गी हुनर हसखलाई ऑल कोर्स कराए जा'रदे न जेहूदे कन्नै रोजगार दे मौके सोक्खे हासल होइ सकन।
3. सेहत मंत्री सकीना इत्तू होरें आखेआ जे सरकार जम्मू कश्मीर च मजूदा सेहत सहूलतां गी जगड़ा बनाने लेई कम्म करा'रदी ऐ।
4. चिनार दे बूहटे सरबन्धी विरासती मुल्ल गी सुरक्षत करने दे मकसद कन्नै मंत्री जावेद अहमद राणा होरें अज्ज सिविन सचिवालय च चिनार दे बूहटे लाइयै अभियान रंभेआ ऐ ते एहदे कुदरती मुल्ल गी उजागर कीता।
5. जम्मू खित्ते दी उप्परली धारें च ताजा बर्फबारी होई। जम्मू श्रीनगर राष्ट्रीय जरनैली शिड़क एनएच-44 गडिडएं दी आओजाई लेई खुल्ली। लगातार बरखा ते बर्फबारी करी रामबन जिले दे सब्बै स्कूल अज्ज बंद रेह।

<><><><><><>

CSC Reservation Rules

सरकारै अज्ज आखेआ ऐ जे आरक्षण सरबन्धी नियमें दी जांच लेई ओहदे आस्सेआ खडेरी गेदी कैबिनेट उप-कमेटी लेई कोई टकोहदी समें-सीमा मुकरर नेई कीती गेदी ऐ। आकाशवाणी दे जम्मू संवाददाता दी रिपोर्ट मूजब, पीपुल्स कांफ्रेंस दे विधायक सज्जाद गनी लोन हुंदे आस्सेआ पुच्छे गेदे इक सोआलै दे लिखियै दित्ते गेदे परते च प्रभारी मंत्री होरें सदन गी एह जानकारी दित्ती। लोन होरें पुच्छेआ हा जे क्या मंत्रि-स्तरी इस पैनल गी, अपनी रिपोर्ट जमा करोआने लेई 6एं महीनें दा समें दित्ता गेदा ऐ। मंत्री होरें अज्ज सदन गी इब्बी दस्सेआ जे पैहली अप्रैल 2023 थमां जम्मू खित्ते च पट्टी दर्ज जाति ते पट्टी दर्ज जनजातिएं दी श्रेणी तैहत 5 लक्ख 26 ज्हार 605 प्रमाण पत्तर जारी कीते गेदे न जिसलै के इस्सै अवधि दरान कश्मीर च जारी कीते गेदे नेह प्रमाण पत्तरें दी गिनतरी 79 ज्हार 813 ऐ।

<><><><><><>

Ittoo NEP

सेहत ते डाक्टरी शिक्षा मैहकमे दिएं मंत्री सकीना इत्तू होरें अज्ज सदन गी जानकारी दित्ती ते उच्च शिक्षा विभाग नै केन्द्र शासित प्रदेश दे सब्बने सरकारी डिग्री कॉलेजें च राष्ट्रीय शिक्षा नीति गी पैहले गै अमल च आहन्नी दित्ते दा ऐ। आकाशवाणी दे जम्मू संवाददाता दी रिपोर्ट मूजब, मंत्री होरें एह जानकारी, जावेद रियाज हुंदे आस्सेआ विधानसभा च पुच्छे गेदे इक सोआलै दे परते च सांझी कीती। मंत्री होरें सदन गी दस्सेआ जे जम्मू-कश्मीर दे कॉलेजें च विद्यार्थिएं गी ओकड़े

कोर्स करोआए जा करदे न जिंदे राहें ओह् कम्म—रोजगार दे मते शा मते मौके हासल करने—जोग बनी सकन। इत्तू होरें इब्बी जानकारी दित्ती जे प्रदेश दे कॉलेजें च खरी मती गिनतरी च बिजनेस मैनेजमेंट दे प्रोग्राम करोआए जा'रदे न पर अजें तोहड़ी इक बक्खरे प्रोग्राम दे तौरा पर आर्टिफीशियल इंटेलीजेंस सरबंधी कोई प्रोग्राम नेई करोआया जा'रदा ऐ। ऊ'आं उ'नें इब्बी दस्सेआ जे कम्प्यूटर एप्लीकेशनें सरबंधी पाठ्यक्रम दे इक हिस्से दे तौर उपपर गै फिलहाल आर्टिफीशियल इंटेलीजेंस दी पढ़ाई करोआई जा'रदी ऐ।

<><><><><><>

Sakeena Healthcare

सेहत ते डाक्टरी शिक्षा मैहकमे दिएं मंत्री सकीना इत्तू होरें अज्ज विधानसभा गी दस्सेआ जे सरकार बक्ख—बक्ख सतहें उपपर तकरीबन 4 ज्हार सेहत इदारे दिएं मजूदा सेहत दिक्खभाल आहलियें सुविधाएं गी तगड़ा बनाने लेई कम्म करै करदी ऐ। आकाशवाणी दे जम्मू संवाददाता दी रिपोर्ट मूजब, मंत्री होरें एह गल्ल, मुश्ताक अहमद गुरू हुंदे आसेआ पुच्छे गेदे इक सोआलै दे परते च आखी। उ'नें गलाया जे मुल्खै च सेहत इदारे दी गिनतरी दे स्हाबै जम्मू—कश्मीर, अव्वल दर्जे दे राज्यें ते केन्द्र शासित प्रदेशें च शुमार ऐ।

<><><><><><>

HM Medical Officers

सेहत ते डाक्टरी शिक्षा मैहकमे दिएं मंत्री सकीना इत्तू होरें अज्ज विधानसभा च एह जानकारी दित्ती जे सरकार, जम्मू—कश्मीर दे सब्भनें इलाकें च सेहत दिक्खभाल आहली स्थूलतां दस्तेयाब करोआने लेई हर मुमकन जतन करै करदी ऐ। आकाशवाणी दे जम्मू संवाददाता दी रिपोर्ट मूजब, मंत्री होरें एह गल्ल विधायक मीर मोहम्मद फैय्याज हुंदे आसेआ पुट्टे गेदे इक सोआलै दे परते च आखी। उ'नें गलाया जे सरकार दे रौंS दी तसदीक इस गल्लै थमां होंदी ऐ जे हाल च गै प्रदेश दे ओकड़े दूर—दरेडे इलाकें च 365 मेडिकल अफसरें दी नियुक्ति कीती गई ऐ, जित्थे मेडिकल सुविधाएं दा त्रोड़ा हा। मंत्री होरें इब्बी गलाया जे सेहत ते डाक्टरी शिक्षा विभाग, डाक्टरें दी अटैचमेंटें दे हक्कै च नेई ऐ सगुआं मैहकमे आसेआ प्रदेश दे सब्भनें दूर—दरेडे ते पच्छेत्रे इलाकें च सेहत दिक्खभाल आहली सुविधाएं दी उपलब्धता जकीनी बनाने लेई जतन कीते जा'रदे न।

<><><><><><>

Doda Surya Ghar (byte)

केन्द्र सरकार आसेआ चलाई जा'रदी प्रधानमंत्री सूर्य घर मुफ्त बिजली योजना, पहाड़ी जिले डोडा च मती लोकप्रियता हासल करै करदी ऐ ते उत्थुं दे मुकामी बसनीक मती सक्रियता कन्नै अपने घरें पर सौर उर्जा पैनल स्थापित करोआ करदे न। जिला प्रशासन बी लोकें गी इस भेठा जागरूक बनाने च मती महत्वै आहली भूमिका निभाS करदा ऐ। सरकार दे जतनें ते प्रशासनिक सैह्योग दी बदौलत प्रधानमंत्री सूर्य घर मुफ्त बिजली योजना, डोडा जिले च उर्जा दे खेत्तर च बड़्डी तब्दीली आह्नने आहली साबत होआ करदी ऐ। इस सरबंधै च साढ़े संवाददाता कन्नै गल्ल करदे होई बिजली विकास विभाग दे एग्जीक्यूटिव इंजीनियर राउफ अहमद होरें गलाया

<><><><><><>

Poonch Inspection

पुंछ दे तैहसीलदार अज़हर मन्हास होरें अज्ज पुंछ दे बक्ख-बक्ख बजारें दा चानचक्क निरीक्षण करियै नियमें दी उल्लंघना करने आहले दकानदारें खलाफ कार्रवाई कीती। उं'दा एह दौरा पर्यावरण सरबंधी कानूनों दी अमल-आवरी जकीनी बनाने ते खित्ते च प्लास्टिक-प्रदूषण उपपर रोक लाने दे जतनें दा गै इक हिस्सा हा। इस सरबंधै च मीडिया कन्नै गल्लबात करदे होई तैहसीलदार अज़हर मन्हास होरें आखेआ

<><><><><><>

Chinar Day

चिनार दे बूहटें दे विरासती मुल्ल गी संरक्षित करने दे मकसद कन्नै जंगलात मैहकमे आसेआ अज्ज जम्मू आहले सिविल सैक्रेटेरिएट परिसर च चिनार दे बूहटे लाने दा इक अभियान रम्भेया गेआ। जंगलात ते पर्यावरण मंत्री जावेद अहमद राणा ते मुख्य सचिव अटल डुल्लु होरें इस अभियान तैहत् चिनार दे बूहटे लाए। इस मौके उपपर बोलदे होई मंत्री जावेद अहमद राणा होरें चिनार दे बूहटें गी समृद्ध जैविक बन्न-सबन्नता दे प्रतीक करार दित्ता। उं'नें आखेआ जे चिनार इक ऐतिहासिक दरख्त ऐ ते एह सांस्कृतिक पन्थान ते विरासत दा प्रतीक बी ऐ। मुख्य सचिव अटल डुल्लु होरें जंगलात मैहकमे दी इस पैहलकदमी दी सराहन कीती जेहदे तैहत् प्रदेश च ताली गेदी थाहरें उपपर चिनार दे 28 ज्हार 560 बूहटे लाए जाने न।

<><><><><><>

PM-MKB

प्रधानमंत्री नरेन्द्र मोदी होर म्हीने च इक बारी प्रसारत होने आले अपने रेडियो कार्यक्रम "मन की बात" इस बारी 30 मार्च गी देश विदेश च रौहने आले श्रोताएं कन्नै बचार सांझे करगंन। हर म्हीने दे खीरले ऐतवार बडलै 11 बजे प्रसारत होने आले इस कार्यक्रम दी एह 120मीं किश्त होग। कार्यक्रम च शामिल करने लेई लोक अपने बचार ते सुझाह 28 तरीक तगर टोल फ्री नंबर 1800-11-7800 पर भेजी सकदे न। एहदे इलावा लोक अपने बचार My Gov ते नरेन्द्र मोदी ऐप पर बी भेजी सकदे न। एह कार्यक्रम आकाशवाणी ते दूरदर्शन दे समूलचे नेटवर्क दे इलावा न्यूज ऑन एयर मोबाइल ऐप पर बी उपलब्ध रौहग। एहदे कन्नो कन्नी एहदा सिद्धा प्रसारण ए.आई.आर न्यूज, डीडी न्यूज, प्रधानमंत्री हुंदे दफतर ते सूचना ते प्रसारण मंत्रालय दे यूट्यूब चैनलें पर बी कीता जाग। आकाशवाणी जम्मू पर मन की बात दे तुरत मगरा एहदा डोगरी च अनुवाद प्रसारत कीता जाग। एहदा डोगरी अनुवाद तुस रातीं 8 बजे इक बारी परतियै सुनी सकदे ओ।

<><><><><><>

Udh-Kabaddi

उधमपुर-रियासी रेंज दे डीआईजी मोहम्मद रईस भट्ट होरें अज्ज उधमपुर दे इन्डोर स्पोर्ट्स सुभाष स्टेडियम च जागतें ते कुड़िएं लेई 3 दिनें दी जूनियर ते सब-जूनियर कबड्डी यू.टी. चैंपियनशिप गी शुरु करोआया। जेएंडके एमेच्योर कबड्डी एसोसिएशन दे बैनर हेठ इस प्रतियोगिता दा आयोजन जिला कबड्डी एसोसिएशन उधमपुर आसेआ कीता जा'रदा ऐ। कार्यक्रम दी शुरुआत राश्ट्रगाण कन्नै होई ते मगरा इक सांस्कृतिक कार्यक्रम दा बी सरिस्ता कीता गेआ। इस प्रतियोगिता

च प्रदेश दे बक्ख-बक्ख हिस्सें थमां आई दिआं 35 टीमां हिस्सा लै करदिआं न जेहड़ियां बक्ख-बक्ख सरकारी ते निजी इदारे दी नुमाइंदगी करैरदिआं न। इस मौके उपपर अपने संबोधन च उधमपुर-रियासी रेंज दे डीआईजी मोहम्मद रईस भट्ट होरें आखेआ

<><><><><><>

Weather

पीर पंजाल दी पहाड़िएं सनें रामबन, डोडा, किश्तवाड़, राजौरी ते पुंछ जिलें दी उपपरली धारें पर ताजा बर्फबारी दर्ज कीती गई ऐ। आकाशवाणी दे जम्मू संवाददाता नै जानकारी दित्ती ऐ जे रामबन-बनिहाल दे पदरै इलाकें च जगातार बरखा बरा दी ऐ। उआं जम्मू-श्रीनगर राश्ट्रीय जरनैली सड़क एनएच-44 दौनें बक्खी दा गड़िडें दी आओजाई लेई खुल्ली दी ऐ। ट्रैफिक पुलस नै जानकारी दित्ती ऐ जे यात्री गड़िडें दी दौनें बक्खी थमां आओजाई जारी ऐ जिसलै के भारी मोटर गड़िडें दी श्रीनगर थमां जम्मू ओने दी गै इजाजत दित्ती गई ऐ। पुलस लोकें गी सलाह बी दित्ती ऐ जे जरनैली सड़कें पर दिन बेल्लै गै सफर करन ते रामबन ते बनिहाल बश्कार बेवजह गड़्डी नेई रोकन। तोआई श्रीनगर सोनामर्ग गुमरी रोड भद्रवाह-चम्बा सड़क, मूगल रोड ते सिंथन रोड अज्ज बी बंद रेही। पदरें इलाकें च लगातार बरखा करी ते उच्चिएं धारें पर बर्फबारी कारण अधिकारिएं रामबन जिले च सब्बै सरकारी ते प्राइवेट स्कूल बंद रखे दे हे। आकाशवाणी जम्मू कन्नै गल्ल करदे होई रामबन दे एसएसपी ट्रैफिक रोहित बसकोत्रा होरें आखेआ

तोआई मोसम विभाग नै जानकारी दित्ती ते जम्मू कश्मीर च अगले 24एं घेंटे दरान हल्के थमां दरमेयाने दर्जे दी बरखा बरने दे कन्नो कन्नी टांवी टांवी थाहरें पर बर्फबारी होई सकदी ऐ। मैहकमे मूजब अज्ज ते कल तोड़ी बरखा बरी सकदी ऐ ते 17 मार्च दे बाद मौसम च तब्दीली औग।

<><><><><><>

Reasi Advisory

रियासी जिला प्रशासन आस्संआ लोकें दी सलाह दित्ती गई ऐ जे पानी आले इलाकें दे कंडे च नेई जान ते इसलै सफर करने थमां परहेज करन की ते पिछले 24एं घेंटे थमां लगातार बरखा होआरदी ऐ। अधिकारिएं खास तौरा पर खाने सरबंघत कम्म करने आले लोकें गी सलाह दित्ती ऐ जे किश चिरै लेई अपने कम्में मतलक सब्बै गतिविधिएं गी अगड़ा पाई देन तां जे पानी दा स्तर बधने कारण हाड़ ते पस्सियां पौने दा खतरा बधी सकदा ऐ। प्रशासन नै सििति उपपर नेड़मी तक्क रखने लेई ते कुसै बी आपदा आली स्थिति थमां निबड़ने लेई आपातकालीन कारवाई टीम गी सक्रिय करी दित्ता ऐ। लोकें गी सलाह दित्ती गई ऐ जे आपदा आली स्थिति बेल्ले मकामी अधिकारिएं गी सूचित करन ते प्रशासन आस्सेआ दित्ती गेदी सलाह दी पालमा करन। इस बारे होर मती जानकारी देआ करदे न रियासी दे डीएमओ मोहम्मद इम्तेयाज

<><><><><><>